

Shqiperia e pafat, humbet ne minutat e fundit

nga Administrator

E mërkurë, 15 Qershor 2016 22:58



Ekipi kuqezoi është dorezuar në minutat e fundit duke i dhënë mundësi gjelave francez të kalojnë në avantazh në minutën e 90. Një Shqiperi që ka luajtur me plot grinte ku ka zhvilluar një pjesë të parë pothuajse perfekte. Ekipi francez, pretendent për fitimin e trofeut është neutralizuar shumë mirë nga lojtarët kuqezoi. Shqiperia ka zhvilluar një lojë të mirë dhe ka rrezikuar portën e Francës në minutën e 14 me anë të Lenjanit. Në minutën e 24 Hysaj ka dhënë një kros të mirë për Sadikun por nuk ka arritur të godase topin. Lojtarët francez mundohen të organizohen dhe të kërkojnë golin me anë të Coman dhe Martial, por mbrojtësit tanë kanë qenë të vëmendshëm duke neutralizuar aksionet e tyre. Shqiperia mbyll pjesën e parë me një goditje denimi të rrezikshëm me anë të Memushaj, por gjuajtja e tij ka përfunduar mbi traverse.

Pjesa e dytë do të nisë me një zëvendësim për ekipin e Francës, në fushe do të hyjë Pogba në vend të Martial. Franca duket se ka hyrë në fushe me një kujdes dhe me një bindje për të marrë fitoren. Në minutat e para Franca rrit shumë presionin dhe rrezikon seriozisht mbrojtjen tonë. Në minutën e 52-të, Shqiperia është shumë e pafat, topi i goditur nga Memushaj do të përfundojë në shtyllë. Shqiperia është shumë pranë golit të avantazhit.

Franca reagon menjëherë, kros i Payet nga majta, por gjuajtja e Pogba nuk është e saktë. Nderkohe që vjen rradha e Griezman, i cili zë vendin e Coman. Në minutën e 69, Giroud gjuan me kokë dhe godet shtyllën. Ekipi i Francës rrit edhe me shumë presionin, kurse nga ana tjetër lojtarët e kombëtares shqiptare kanë shpenzuar shumë dhe lodhja është shumë e qartë. Shqiperi ben dy zëvendësime, del Lila dhe futet Roshi, proleme për Kukelin dhe në vend të tij aktivizohet Xhaka.

Në minutën e 85, mbrojtësi kuqezoi Ajeti nuk ja del me dhe është i detyruar të largohet. Në vend të tij do të aktivizohet Veseli. Kur loja po shkon drejt barazimit, do të jenë francezët që do të shenojnë me anë të Griezman. Një gol i pamërituar për kombëtaren shqiptare. Ekipi hidhet i gjithi në sulm për të kërkuar golin e barazimit, por do të jenë serish francezët që do të shenojnë me anë të një kundërsulmi. Autor i golit është Payet.

Shqiperia ka zhvilluar një ndeshje të mirë dhe ka qenë serish e pafat, por shpresat për tu kualifikuar me tej nuk janë shuar teresisht.